## 山庫全幸

史部

欽定四庫

詳校官編修臣謝振定

侍讀臣孫球獲勘

腾錄 謄錄 監生臣

監生臣 沈

露

换

潘

欠いり・ハー 任胄旅易竊夏 伌 胄 題南宋兩 踬 浪 **会之假何權** 愈彼 家 興 挑 壬龍如致實 遊 刘、 裒 金 奸追戚多臣兵 情 奴 實繫之 固 抵 宴待 恶於國煩分三 匪宜 朝 罪 羧 史 子禁 耳百 我 宜禁 孤鸠者 與彌 綱 深 防 有 幸 E 人真 作速 謀 罪護 和 軍 備 之牖以德 胄迨 爾 執別 兩朝網目備要 可忘 要二首 無彌 福我 難秀 日 而選 何 異遠 出 作之犯論 謀兵 致 彼恃之和 詰何柄 彌 之二 似 戎 遠 不政 興 東和 意議 不百 師 鑒其 我者不大 師 月 過寸 落 其擅 太可思 西 擒其 殺 書 山 覆權 逮 備重示云 治府 前載 **豈啻工章** 以恐人為 轍用 如 家門 司 星替 也事 奴夫中伦 **長盟以團** 專) 具好易者 其作軍胄 謀既窺當 事胄統時 将成之示 句 甚雖制命

實能切中 **豈此儆以** 徒疏 遵通 購于防和 學安如講和 子工文已截 表之改是而國勢不明好為權宜以 概以 張修 外德 虞行 不仁 弭為 者實 未務 之苑

欽定四庫全書 欽定四庫全書 兩朝綱目備要 提要 年於具蟻誅數月後載李好義遇毒死又有 名氏所紀自宋光宗紹熙元年迄寧宗嘉定 道禮部集有答陳衆仲問吹劍録云續宋編 十七年事蹟諸家書目皆不著録考元具師 臣等謹案两朝綱目備要十六卷不著撰人 兩朝網目備要 史部二 編年類

載相合疑此書在元時當稱為續宋編年然 於丙故其事不白云云核其所引與此書所 復以擅殺孫忠銑之罪歸之大抵當時歸 巨源事雖能書安內殺其參議官楊巨源而 內輩媚忌掩沒 近有續陳均宋編年者頗載 云具蟻之誅實楊巨源結李好義之功為安 題年成父所作卸平仲小傅及濟邱事器後 師道亦未當明言撰自何人也觀其載嘉定


て見りる 人にっ 安觀文錢象祖為錢參政李壁為李參政史 李心傳所論中如稱趙鼎為趙丞相安丙為 鑑長編而刑節之此書則本兩朝實録祭以 士不語體例者所作數陳均編年備要因通 得國緣始多敵國傳聞之詞或宋末山林之 避似乎元人然其書內宋而外元又叙元代 理宗皇帝考宋代之制舊名亦諱乃直斥不 十四年六月乙亥與苔補東義即其目云即 两朝網目備要


金万世歷人言 額 官具載顛末似单行之書非增續舊史之體 制 正 史韓作胃傳載薛叔似宣諭京湖程松吳曦 爾遠為史丞相多仍當時案廣之文未盡 同赴四川郅友龍宣諭兩淮徐邦憲罷知處 紀金元府累之事追叙金源創業語牒 叙次簡明議論亦多平允如蜀中之減重 科胥足補宋史所未備其紀年互異者宋 湖北之行會子范祖禹之補益何致之罷 刊 秩


次 定四事全書 代尚近衆論不同其事未經論定故闕所 於二年內軍當得其實其姓氏之至異者如 同惟於史爾遠廢立濟王事界而不書或時 翟朝宗得實璽此書作與宗俱足以互證異 宋史趙彦逾傅有中郎将范任此書作范仲 州皆在開禧四年考開禧實無四年此書載 **壬趙汝愚傳有宣贊舍人傅昌朝此書作昌** 期步即問仲夜此書作王仲先本紀副都統 兩朝網目備要

春鑒指示曠若發蒙謹仰遵 聖訓詳為核正各加案語以明之伴首尾秋然不惟久 有六卷其中間有叙述失次端委相淆者 稽原書卷目已不可考令按年編次釐為十 樂大典者尚首尾完具謹校正繕録以備參 湮陳笈得以表章且數百年未補罅漏 非曲筆隐諱也其書世罕傳本惟見於永 然彌遠之營家廟求起復一一大書子簡 經

大 色 事主 御覽義 例益明尤為是書之幸矣乾隆四十六年 月絲校上 两朝網月備要 總 總第官臣紀的臣倭錫熊臣孫士毅 校 官 臣 爅 費







人かいりいってんます 卷十 卷、 卷十 卷九 寧宗嘉泰三年至開禧元年 寧宗嘉定元年 寧宗開禧二年 寧宗開禧三年 两朝綱目備要

をとりしん つき 卷十二 卷十五 卷十四 卷十三 寧宗嘉定二年至嘉定三年 寧宗嘉定七年 寧宗嘉定四年至嘉定六年 寧宗嘉定八年至嘉定十一年 目绿

<u> </u>								
l		]			1	, .	1 1	
ļ	İ					İ	1	3
· ·	ł	1			i	į		
li	1	1 1			l	1	1	5
					1	1		
ļļ	1					1		J
	ł	1			1	1	1 . 1	/
	1	1				i	1 !	ないし リノコ
11	1	1 1			ł	ł		۔
	1	1 1						
l'	1	1 1						Ė
	!	1 1						
						ļ		
1								
	1					l	l i	
	1	1 1	į			Ι.	!	F
i .			i			l		日绿
	i						1 6	<b>25</b> ;
						İ		
	1					1		
li .	1	!					1	
		1						
						ł		
			!					
l		1	1				1	
1		!	1			ľ		
			:				1	
li		l i					1 1	
!			İ					
1				ļ				
1								
			i	ĺ				
			i					
İ		1		1				
l								
l		;		- 1				
L	<u> </u>			i	İ		1	

.

更こりっている! 文為相赞成上意密決大議世或未之知也先是隆 博考宗皇帝第三子也以紹興十七年九月四 入統盖考宗為天下慮不私其子而虞允 两朝網目備要 月授右監門衛率府副率 年九月封恭王帝以

帝也次未命而天追賜名格贈使相封邵王乾道元 嫡孫時孝宗未置相參知政事錢端禮行丞相事端 劄子見大臣言恭王夫人李氏四月十五日生皇長 年六月鄧王夫人錢氏生子太上皇甚喜先兩月恭 興初張浚為江淮宣撫使首上疏援漢故事乞立太 邸成穆郭后生四男長鄧王愭次慶王愷次恭王即 子孝宗方有兵草之事且謙遜未遑也始孝宗在藩 王亦生子于是秘書少監兼恭王府直講王淮楊白

帝宣諭皇嫡孫生與其他事體不同主上聖孝所招 後恭王府方申令就十二日奏告更不須差官端禮 晚恭王府方申到文字孝宗曰朕知之見鄧王府申 禮都王夫人之父也見之不悦明日進呈乞令禮部 皇孫端禮曰此月三日早鄧王府先申誕皇嫡孫是 太常寺檢會合行典禮孝宗曰不合稱嫡孫只令稱 日重冢嫡正謂此端禮曰初二日詣徳壽宫太上皇 日嫡庶具載禮經所以别嫌疑明是非定猶豫孝宗

をこりむしま

两朝綱目備要

宗令批古具載本未乃詔王准領邪不正有違禮經 直不格邪心當行點責端禮奏且與外任放謝解孝 講讀官當以正論輔導不應為此邪僻之說孝宗曰 奏曰祭不入支庶之家可見聖人制禮之意端禮曰 可與外任仍放謝辭八月遂立鄧王為皇太子二年 日此是何語皆非所宜言虞允文時為參知政事亦 卿須行賀禮臣遂具奏上表于初五日稱賀昨日王 淮來見臣出白割子及稱年鈞以長義鈞擇賢孝宗

言之孝宗嘉納左相陳俊卿之未去也有議皇孫出 禁國公恭王男皇孫賜名挺除左千牛衛大将軍三 外者俊卿為秘書監李燾言之燾出梁昭明事示後 年七月太子费益莊文六年五月名文獨相六月遂 如自東宫從居馬先是正月戊辰大雨震電庚辰大 以知樞家院府為莊文太子外第命榮國公挺與錢 七月詔皇太子男皇嫡孫賜名挺除福州觀察使封 雨雪陳良翰時為左諫議大夫以東宫久未建首疏

をこうまという

两朝網目備要

宗謀建儲也七月台州進士鄭偉上書亦及春坊事 問外人好日徐動此言豈可效耶其實允文将與孝 被八月三日 庚戌孝宗御垂拱殿允文乞留班奏事 允文薦于孝宗召見補右連功郎是月二十七日 し 卿俊卿愕然而止及是復申前議著作佐郎劉焞見 南入宿各不及一度占云木火合宿主册太子當有 已太史奏是夜四更後東北方火星順行在木星西 允文語及之允文曰允文若見上及此但道家事 勿

欠こうしていまう 事方欲干犯雷霆之威冒萬死以請孝宗云何事名 文奏云自古人君即位一二年後必建立儲貳以隆 盟盟 奏孝宗宣諭遣使祈請陵寝事光文奏畢朝野雜 二省樞密院進呈文字記執政下殿名文方欲有 柳可及決爾志 聖祈 且勝生大若 章 遠 请 留意復奏云臣界日齊心今日消吉有一大以待復奏云臣界日齊心今日消吉有一大女真心以為戰用在今日宜每事重定先為議當在被殿庭也孝宗又云金人發發两河知我以陵寢為問志寧必先回燕盖待我使知我以後使來未知為何事不免疑我 渝寧來汴京此意如何允文奏云甲申江上之陵寝使副金人已遣官來取接近又報遣 赫陵寝使副金人已遣官來取接近又報遣 赫 两朝網目偷要 為河使渝之赫諭記

萬世之統以繫四海之心國家治亂安危之機無大 卒議之當有不如人意處又陛下在位将十年而元 淮六飛必須順動監國撫軍谁任其責臨事之變倉 聖志已定将大有為于天下若一旦敵敗盟連兵两 于此故曰太子國之本也國本正而萬事理况今日 開陳爾臣蒙陛下大恩付以心腹之託使定大計今 良虚位中外士庶共懷憂疑但往往畏死不敢啓口 日之事無大于此無急于此日者木火合宿太史奏

とこり 自 とよう 意事亦素定但恐儲位既正人性易驕便自縱逸不 勤于學浸有失德不可不慮朕更欲令練歷世務通 陛下重惜神器封植國本為萬萬年之永圖天下幸 為急所以遲遲至今亦必有說今蒙宣諭益有以見 聖孝至篤豈不以宗社為念聖慮最遠豈不以儲副 知古今庶幾無後悔爾允文奏日臣平日竊觀陛下 順天心下從人望蚤出春斷孝宗欣然云朕久有此 以為當冊太子天心仁爱陛下昭示休祥願陛下上 两月脚目衛要

甚然臣之愚以謂此事不過審擇官官使日聞正言 建儲官其所成就必遠過于外處潛邸孝宗曰丞相 陛下處賜察納臣無任感天荷聖之至容臣再拜謝 言極是但此事却有些遷次非久于選德當獨與及 相議之允文即奏云臣以愚忠所迫昧死有請敢意 何患不光明日與朝政何患不練歷以臣之愚謂早 又儲聞一開深居中禁常得在陛下左右日親帝學 日行正道真精力久自然無不超于正安得有後悔

金ダでんとう

孝宗曰此事已決偶數日來多事未及與柳商量允 急各為吾言之萬士亷日養百姓最急劉泊曰撫 四 處中使傳古今右相留班孝宗以邊事一二宣諭已 甚好不過旬日間二十五日壬申朝殿奏事至下馬 恩拜記復奏云此事願陛下早留聖念孝宗云甚好 文奏云昔唐太宗從容謂侍臣日當今國家何事最 下於然即賜開納今已踰旬日未准處分臣實憂懼 奏對記允文奏云臣比者敢以早建東宫事有請陛

次正のちへつ

两朝網目備要

常憂慮頗在此耳臣仰惟陛下日月之明于唐君臣 代法以遺子孫太宗答曰此言是也朕年将五十心 夷最急冬文本日行禮義最急獨褚遂良云今四方 但不敢盡言耳孝宗云朕志已素定正欲與丞相議 未正其言至如此今日之事臣之所憂有甚于遂良 在貞觀十六年太子承乾已立遂良但以嫡庶名分 之言是非去取必有所擇臣竊詳唐太宗與侍臣言 仰德誰敢為非但太子諸王須有定分陛下宜為萬

えちしん つき

ス・10 col / lo lo 當用此日十一月五日辛已大駕至郊壇齊于青城 禮時或前或後降指揮如何允文奏云聖志果定以 今右相留班孝宗宣諭云立太子事朕但欲與丞相 是日午有古客執奏事既至青城門下馬處又有古 郊天慶成日降指揮甚好盖日南至天正也孝宗云 此令秋事向晚冬初又金使來有一番禮數若于郊 乃引佩刀自決亦未當不筑之盖處置家事何用如 之朕見唐太宗用兵取天下心甚敬之至議立太子 两朝網目衛要

金とせんとこ 言至淳化末年足瘡召冠準于青州既入對太宗曰 後以議立太子事大臣有窟點過街者自後無敢復 卿來何遅準對日臣守藩在遠非賜召臣無緣望清 遠引漢唐以喻今日臣記得本朝太宗皇帝即位之 議爾如何允文奏云此陛下家事臣不當與臣不敢 可爾太宗曰襄王可乎準對曰知子莫若父陛下若 光太宗日東宫未立如何準對日此事問內人亦不 可問大臣亦不可問中貴人亦不可惟陛下獨斷乃

後先欲與卿商量加上两宫尊號立太子可用春初 子真宗為第三觀準所對曲折之間但欲自太宗發 疑夜半行事時中天星氣灼然百執事駿犇中庭皆 两郊有意外相妨事昨日宿太廟大雨不止羣心憂 亦未晚否允文奏云陛下即大位九年三見上帝前 之爾太宗英斷一發千萬世無有議之者此臣倦倦 之忠獨有望于陛下也孝宗云此事無可疑今郊天 以為可願早降處分乃立真宗臣當讀國史太宗八

INCUDENT LIGHT

两朝周目偷要

降指揮又微笑云朕家好事數件皆是丞相做了允 后受冊寶禮畢五日庚辰允丈奏事紫宸殿後幄乞 **教奉行而已七年正月一日丙子太上皇帝壽聖皇** 臣敢再拜已而奏云陛下欲以春初立太子臣謹奉 文頓首謝又奏云二事淵東素定唇斷必行臣但贊 詔是時願陛下更無改易孝宗云只俟两官禮畢便 必成陛下欲歸美两宫益隆徽稱此千載希有之慶 如禮咸謂陛下聖徳有以感召今日霽色如此照事

鎮外藩不知本朝有何典故允丈奏曰陛下止有兩 議之又有少說朕欲立太子後餘一親王便欲今出 官冊寶慶成七早賜處分孝宗曰丞相留意此事如 本朝亦無似此典故孝宗云朕之慮甚遠卿可于唐 大王若立一王為太子一王自留王邸侍陛下左右 此朕欲以仲春上旬擇日行禮非久于內殿更與卿 留班奏云去年郊天前一日日賜對郊宫寢殿家陛 下宣諭少其两官尊號禮畢便降立太子指揮今两

「スペンコーラーへいこう

あ月四日備要

子御劄宣示大臣允文等奏元良天下大本陛下獨 以前子細密加討論别一日進呈允文奉旨而退十 **劉二月七日壬子晚朝孝宗柳選德殿始以立皇太** 自决孝宗曰朕常笑之雉奴仁懦太宗既知之矣卒 出唇斷為天下得人各再拜賀孝宗曰前世人主多 四日戊子進呈二十四日戊戌允文擬進立太子御 允文曰唐太宗號英主至此乃不能斷猶引佩刀以 以此為諱朕甚不取國有儲副自古以然何諱之有

2.00.20 故第三子傳仁孝嚴重積有常德學必以正譽日以 慶王加封两制八日癸丑百官班文徳殿詔曰朕紹 虚位惕然于懷傳曰儲副天下公器朕其敢有所私 孝宗曰善是夕銷學士院命直院鄭聞草皇太子及 輅以撫六師監國之任不及今早定何以繫天下心 承大統于今十年深惟太上皇帝付托之重而元良 不能奪以基禍亂皇太子朕觀之熟矣他日親取我 允文奏臣等受詔未敢行出恭俟來日集百官宣布 あ月明日 情要

愷特授雄武保寧軍節度使判寧國府進封魏王三 月四日戊寅命宰執燕錢魏王于玉津園用文彦博 為皇太子皇子雄武軍節度使開府儀同三司慶王 故事也王登車顧允文曰更望相公保全二十三 日 子其官屬儀物制度令有司討論典禮以聞咨爾中 休蔽自朕心俾膺主鬯以永宗社之慶可立為皇太 外體予至懷宣詔畢內出麻制皇第三子恭王惇立 丁酉太子受冊四月二十日甲子御割皇太子判臨

金は日んと言

12.10 tol 1.15 **貳之體二十四日已及省官禮官會議于史院二** 皇太子解尹事淳熙元年十月魏王改判明州七年 十五日唐午御筆皇太子某宜領臨安尹盖欲試以 安府二十三日丁卯将鎖院或疑宣麻給告非待儲 未告廷畢別録本賜太子九年二月榮國公薨四月 二月王薨遺表上孝宗汝然流涕謂右丞相趙雄曰 民事也命直院周必大草制心大具奏二十六日辛 朕向來所以越次建儲者正為此子福氣稍薄耳然 两朝網目備要

金いでしたけいる 事至是十一月二日已亥百官大祥是日手詔皇太 子可令參決庶務先旬日孝宗獨召學士洪邁入對 亦不料其如此之天也即葵會稽諡恵愿他日又謂 謂曰朕将行內禪且欲如唐貞觀故事今皇太子參 驛其制視徳壽宮既而以天下不可奉三宮乃緩其 太上皇帝崩先是孝宗已有禪意嘗命有司葺都亭 雄曰太子資質極美但尚少學問耳每遣人來問安 朕必戒之云且語太子切須留意學問十四年十月

改充議事堂皇太子隔日與宰執公裳繁鞋相見議 始見輔臣恐不可用西晉有宣献堂今作議事堂可 今年執奏事畢然後過堂議事先是有詔內東門 手詔令討論資善堂典禮心大奏天禧時仁廟尚幼 決如何邁言天禧資善之詔可舉行也越七日又 對 也十五年正月二日戊戌必大請孝宗特御延和殿 又違于禮臣謂宜為詔至是詔下周必大為右丞相 以典故具呈因曰宣麻降制既于體不順只須中古

77. 70 .pl /.t.j

两朝綱目備要

常伏于思慮之所不到疑問之前每開于限防之所 常少卿兼左諭徳尤表獻書于太子曰大權所在天 事如有差揮在內館職在外部刺史以上乃以聞除 古九日己已又詔每遇朝殿令皇太子侍立于是太 事堂參解納劉子其可行者皇太子同宰執将上取 諸郡守臣係侍從及文臣監司武臣鈴轄外並于議 下之所爭趨甚可懼也願殿下事無大小一取上旨 而後行情無厚薄一付衆議而後定又曰利害之端

莫大于事宗廟而孟享多以病而停詰孝莫大于執 聖體康寧止因孝思稍過豈應遽爾後勤孝宗日禮 孝宗諭以比年病倦欲傅位太子卿須少留必大奏 諭德可謂見爱之深矣三月永思陵既掩費五月左 及相王准罷周必大獨相十一月四日必大乞去位 之後便行想解以彰殿下之令徳太子覽書褒數日 自漢至今多出權宜事權不一動有觸凝乞俟科廟 不及儲副之位止于侍膳問安不交外事撫軍監國

をこのことは

**两朝綱目備要** 

+

會陳康伯家以紹與傅位親劉永上十二月十一日 太子聽政決自不應便講避殿之禮可少展否孝宗 **壬申孝宗遣中使宏持賜必大因令留身討論典禮** 丧而不得日至徳壽欲不退休得乎朕方以此奏 卿 年二月旦太陽蝕九分辛卯除夕必大留身家奏云 必大草詔專以奉几庭侍東朝為言十六年正月三 大以為然口朕亦可以當災遂定仲春壬戌吉又命 初議賀正旦北使出門即擇日傳授偶太史局言明

見必大問口宫中人人知上元後舉行典禮今悄然 會學士李獻以草制失指得罪乃命禮部侍郎九袤 皆繼罷十五日內午皇太后遷慈福官春坊姜特立 矣八日已亥遂進必大左丞相而留正越次拜右丞 何也必大謝曰此非外庭所敢與聞特立不悦而退 相王隴島邲並自尚書擢為執政執政官黄洽蕭燧 王子也時皇太子之子已先拜節度使封平陽郡王 日甲午皇孫扬為耀州觀察使封嘉國公扬魏忠憲

发之四軍主書

两朝綱目備要

喧傳表因論及金國事孝宗感慨良久論表日旦夕 又改壽慈二月二日壬戌孝宗吉服御紫宸殿有司改為慈福二月二日壬戌孝宗吉服御紫宸殿有司 進呈韶草二十八日已未認德壽宫改為重華官後 有合施行事卿等可一面理會進呈因令必大留身 日辛玄二府奏事孝宗始諭日朕年來稍覺倦勤自 制策甚多非卿孰能為者故處卿以文字之職二十 直學士院時內禪有定議孝宗未以諭近臣而外已 日間禪位于皇太子退就休養以畢高宗三年之制

之心永曆天下之養不其美數皇太子可即皇帝位 歷試參決宜付大寶撫終萬邦俾予一人獲遂事親 延躬行聖母之定省固己慊然于懷况乎春秋浸息 裁彌長賴两儀九廟之德邊鄙不陳年穀順成底于 殿門外內降部口朕以非質循克之道就業萬幾歷 思釋重負皇太子惇仁孝聰哲久司七學軍國之務 小康爰自宅憂以來勉親聽斷不得日奉先帝之几 立仗百官起居免舞蹈宰執奏事畢駕與百官移班

友二,り事一子ョ 一 雨朝綱目備要

詔職事官輪對 倒誤今改正皇帝盖傅寫 繼登華同請重華官帝還內即下詔書上孝宗尊號 帝位側立不坐如紹與三十二年之禮百官稱賀果 日至尊壽皇聖帝席本紀是時尊太后日壽聖皇太 三省樞客院奏事退放仗孝宗御便殿新皇帝侍立 朕移御重華宫宣記記百官入班殿庭皇太子即皇 秘書郎兼權吏部郎官鄭湜首上三奏其一言三代

金メレノノー

**釐正之然後使版曹會一歲之入擇諸路監司之爱** 給兵費之外一切量事裁酌惟正之供濫恩横例皆 儉為本然後明詔大臣裁度經費除奉宗廟事內宫 **積弊而不量今日之事力願先以清心寡欲躬自節** 宗時所未當有而作俑于後来所用者皆循習承平 省覽其三言民力之困莫甚于此時盖所取者皆祖 此家法之大經也其二言省燕飲節用度親正人勤 以還本朝家法最正一日事親二日齊家三日教子

文正四事 主生司 一 两朝網目備要

法非奉親非軍需不支至淳熙末年往往以搞軍 或 內司有司不敢執提為勅令所刑定官因轉對為孝 民而晚財賦者使之稽考調度蠲其煩重以寬民力 以造軍器為名撥入內庫或脣思殿或御前庫或修 正都司置局同共稽考先是孝宗叔左藏封椿庫其 所陳惟霓如民力一章丞相留正當命中司版曹檢 朝趙汝愚得政驟擢為從官何澹再入首劾罷之湜 疏出四方盛傳而湜亦出為浙東提舉明年夏湜還

及定马車 全等 | 監 五月左丞相周必大能 三月左補闕薛叔似遷将作監右拾遺許及之遷軍器 所施行云 儲見編常五六百萬至是提又言之後亦未當聞有 宗力言之時十三年矣庫中所儲金至八十萬两銀 于是遗補之官又廢 一百八十六萬餘兩又有羅米錢度牒錢而下庫復 两朝網目備要

權兵部侍郎除右諫議澹初與以大厚為司紫二年 者由是不果用于是謝鍔自左諫議選中必何澹自 事官者點薦朝士葉適等八人皆意向與周必大類 疏攻必大必大求去再請而遂罷故必大第二狀中 不遷殊快快正既相白用為祭酒故德之至是首上 必大與留正並相議論素不相合上受禪之初必大 有右揆賢徳中外具瞻之語盖謂是也初罷除觀文 已有罷意時羅點以奉常兼修注上客遣訪可為言|

致定四庫全書 **帥蜀乃命三舉終場不更名人皆赴倍省額三十二** 受禪潛潘惟恭禁二郡皆在蜀中是年類省試京鐘 免朝解與在外宫觀諤亦以雜學士出守泉州 除職典潘之命澹又論之處義亦助其說于是內批 而范處義自新知滁州改殿中侍御史必大方懇解 殿大學士判漳州諤以不論列之故改權工部尚書 四等者乃賜第餘但文學出身云 先是月椿錢 入而取一人凡得二十六人議者以為濫因請廷試 两朝綱目備東

詔改明年元 十六萬五千紹有寺云 年用吏部尚書顏師魯等奏再減江浙諸郡月椿錢 減廣德軍十八百編淳熙初又減桂陽軍萬二十級 部長貳詳悉措畫聞奏當議斟酌施行以寬民力是 大為民害高宗皆諭秦檜令盡罷之不果乾道中始 初孝宗即位改元隆興其説以為務隆興之政及學 上即位以月椿有數額太重去處今臺諫侍從同戶

文記四年/好丁 西朝納日備要 紹熙元年版春二月申明御史彈奏二十條 侍與夫禮樂批雜風俗奢偕之事凡二十條以奏乞 付下報行令知謹格上從之 祖為御史摘其有關于中外臣係握兵将即后成內 御史臺彈奏格本淳熙所定凡三百五條至是劉光 草制則又合紹與淳熙為義亦非初意矣 将紹淳熙之政遂以紹熙紀元猶隆興意爾而學士 士草制則合建隆紹與之義非初意也上之繼統也 十九

初以宗室知貢舉 詔遵孝宗典章法度 室省試十人取一吏部尚書周必大乃請許充學官 合今日歷所依隆興元年六月指揮類編成書當遵 聖古恭惟壽皇聖帝臨御歲久典章法度祭若日星 武中甲科自言于上于是許注甲科淳熙中既詔宗 紹與末孝宗有詔宗室不許注學官乾道中師烜廷 而行之仰稱付托之意

是春右丞相留正請建儲 貶姜特立 因奏事宏以建储為言逾月又請上曰少徐議之 及考試從之至是遂命趙汝愚知貢舉而外郡至今 不差試官盖有司循習之過也 上以丞相在位久欲遷左揆而葉張二尚書中擇 知問門事留正為右揆適亞參尚闕特立忽見正曰 上受禪特立與熊熙載皆以春坊舊人得幸特立除

次足四車三

两朝網目備要

于

夏五月親武舉人 士廷射舊未有淳熙初孝宗嘗諭大臣欲令文士能 賜余復以下五百五十八人及第出身有差 之狀上大怒罷特立提舉江州太平興國宫而葉尋 戊申至紹熙改元正己為左相矣似得其實眨光宗本紀及留正傳皆在未改元以前五月 為劉光祖所劾除職補外 考之當在劉光祖未罷言職之前故附見于此案特 人執政二尚書孰先明日正奏之且論其招權納賄 んくさき 此事不得其歲月以今

一人こうユートーす 罷劉光祖言職 恩有差時奏名五等人射合格者與文學其它例賜 射御武臣知詩書二年詹縣榜上特御射殿引縣以 東帛凡用絹三十匹云是年留正奏言射以觀徳既 居易戎服射射記乃退正奏名中的中帖上垛者推 不合格而復賜之帛則似無謂此例可削去亦省費 下按射翌日引第五甲及特奏名皆具欄笏入殿起 端上從之 两朝網月備要 主

時為遺補也已而深甫除戶部員外郎光祖除軍器 召過池陽謝深南以江東提舉常平被古入親遇諸 謂光祖曰公作諫官矣光祖問其故答曰行自知之 先是光祖為四川制置司參議官以餘干趙丞相薦 少監何澹時以權兵部侍郎出使使還除右諫議大 塗深南頗以臺諫自負既而二人同入見朝退深前 夫澹首上疏論丞相周必大併擊馮傳之罷之光祖 少項乃聞薛叔似許及之改除将作軍器兩監二人

金タエんノミ

與澹椿在館中相厚善嘗旅過澹澹曰近日之事可 澹曰馮傅之乃澹所敬但今日之舉盖有所謂陳益 此警之耳光祖曰光祖所言泛論列耳非止傳之 之周相門下士澹舊與之同在兩舉不欲明言姑以 空周相之門多佳士安得如許人代之望公加意此 謂犯不韙光祖日周丞相豈無可論第光祖有短見 近歲一宰相去位所引之士斥逐殆盡班列為之一 也傳之時為宗正弘益之名謙時為樞密院編修

次三四車一丁ラー

两朝綱目備要

Ŧ

官先巳不自安遂乞添差通判江州以出時姜特立 澹曰近日風采一新光祖曰光祖非立異也但常日 祖顧視則皆姜熊之徒始悟澹盖謾諾耳無益也是 謂乎光祖曰然既而澹引之入便問有數客在馬光 及時事光祖日曽龍之事不可再澹日得非姜熊之 熊熙載以春坊舊人頗用事一日光祖過澹屏人 正之章及奏名光祖被古入院拆號與澹坐席前逼 年春澹同知貢舉光祖除殿中侍御史首上學析邪 八語

受禪權問門宣對舍人又遷帶御器械澹三上疏論 之不報給事亦封還勅黃上以御筆諭止之二人皆 皇有疾國醫不能愈端療治有功慈懿皇后徳之既 端事件古出為潼川府路轉運判官詹遷御史中及 議論自此分矣呉端者僐以巫醫為業上在儲邸壽 為大諫所言者今則自言之耳既出同院謂光祖 曰 何自然見公所上章 數日為之恍惚日餌定志丸 他 可知也未幾深甫除右正言至是光祖坐論孫璫呉

をこつはいう

**西朝明月備要** 

金がせんべき 是夏蠲減無窠名版帳錢 時東南月椿錢歳為緡錢猶三百八十餘萬又有版 是乃用前事徒光祖為太府少卿由此遂出 是光祖監視拆號差誤士人姓名既舉覺放罪矣至 帳錢者軍與後諸邑皆有之而浙中為尤甚議者請 聽命光祖再上疏言小人渝分干請而使給諌不得 行其職輕名器虧綱紀褻主權是一日而三失也疏 八上命大臣令都司諭止之光祖言益力上不樂先

つくて こう・うこ へ・・う 無窠名者萬一千餘編乃與提刑丁逢叔漕判薛 劉侯守岳陽會四縣版帳之額為二萬一千餘緡 而 似議取凡無名者盡蠲之舉一郡而言則其餘可知 令監司州郡寬屬縣無名之取以紓民力時朝請 郎 無額經總制錢四千餘緡 矣其餘郡未滅者今猶存 是年四月朱熹守漳州 亦奏除屬邑上供罷科茶錢七千餘緡及蠲減本州 月認造新歷 わ月柳目 前要 二十四

冬十月改在藏西上庫為封椿下庫 去年十一月豕節郎趙海言淳熙歷今歳冬至後天 禁改造新歷孝榮乞與具澤判大聲同造明年正月 校書郎王叔簡同驗視是月庚戌遂命同判局劉孝 激賞庫隷御前孝宗即位改名南庫淳熙末始併歸 甲寅歷成詔以會元為名 仍隸戸部 及記禮部侍郎李獻著作佐郎鄧**嗣秘書**及黄艾 此即左藏南庫也高宗朝為御前椿管

金庄正居 全言

らくこう・コーショう 是冬減廣西五州鹽數 尚存官吏如故乞併罷孝宗曰若盡廢庫名出入必 州賣二分鹽外令官般官賣如故餘鹽令東路歲賣 淳熙末壽皇以鈔鹽事竄詹儀之除髙雷化欽廉五 **殺亂可以左പ 西上庫為名于是諸路歳發南庫窠** 名錢一百九十八萬餘緡改隷本庫至是改稱封樁 1庫馬 ,部已而蒋芾奏南庫撥歸戸部于今二年而庫名 两月四日前,

命監司即守舉人才 金にしていんノンを 售者乃又減五十籬盖廣東潮恵南恩三州既自産 皆不之斯也明年秋廣東復言六萬五千雜猶有未 七萬五千籬至是上用廣西提刑呉宗旦之請頗損 鹽而官復般賣由是往往計口抑售于民自紹熙以 後朝廷暗損經費十萬編而科抑少減矣 五州鹽直鹽數又用廣東提舉劉坦之之請減鈔鹽 萬雜戶部奏如是則暗失經費六萬三十餘絡上 巷一.

命漳州行經界 被薦者八九百人朝廷不能盡用但令中書省籍記 監司即守滿任造朝陸對之際許薦所部人才一二 國朝薦舉之目自京職官至令録其來遠矣元祐初 姓名而已四年冬乃命即守監司母得獨負薦士 司馬公始奏設文武十科以貢士其後又有舉将帥 廉吏所知合售陞陟自代等科凡十有一是冬又詔 如無聽闕文武髙下皆無所拘其後三年間在外

夕つ日とう

两朝綱目備要

すか

換民乃止初紹與之經界也庫泉汀三郡以何白旗 散佚更縁為姦淳熙八年閏三月新知江陰軍王師 鹽之事一斤之鹽至出數斤之直論者患之浮熙十 古言于朝詔漕臣督州縣補華八月諫官島必言其 民漏税常赋十失五六郡邑無以支吾因有計口科 其病惟汀在深山窮谷中兵火之餘舊籍無存者豪 作過之後朝廷恐其重擾止不行然漳泉富饒未見

後不克行

自紹興經界後久之諸道經界圖籍多

量美造之法盡得其說乃奏經界不行之利害一經 州通與意初意合即加訪問講求織悉畢至以至方 **專在鹽請先行經界壽皇是其言以回為戶部右曹** 行于閩中者詔監司條具利害以聞監司下其事于 同安簿已知經界不行之害及到任會臣僚有奏請 止之是歳朱熹守漳州復以三州經界為請熹初為 郎官往汀州措置未至官有武臣提刑言其不便遂 四年四月福建轉運判官王回代還入見言其病不

5/2.10 101 /12.10

两朝網目備要

界詳略之利害一又得其所必可行之術三将不得 厭紛擾者又或不能深察其情而望風沮怯則為不 聽恐 骨上下務以必濟其私而賢士大夫之喜安靜 行之慮一大略以為此法之行貧民下戶雖所深喜 可行之説以助其勢此則誠不能無将不得行之慮 有餘之人故其所懷雖實私意而善為說辭以感羣 而豪民猾吏皆所不樂喜之者皆單弱困苦無能之 故雖懇誠而不能以言自達不樂者皆才力辯智

嚴贓吏連坐法 特鐫三官吏部因以他舉官石聞皆坐降於紹照初 保任京官犯贓連坐舊制也然近歲未有舉行之者 益講究真嗣崴可行而寓公豪右占田隐税侵漁貧 淳熙初錢參政良臣以其所舉者賄敗上疏自劾詔 便者詔寢其事而三州經界不行卒如所料云 弱者皆不便為異論以搖之後遂有進狀言經界不 也是冬得古本州先行經界南方春早事已無及素

次定四年全書 一

两朝綱月備要

湖北會子初行两界 前相趙雄所舉以贓抵罪用故事當削三扶而雄時 便會子凡七百萬緡乾道元年春楊從即荆南以為 湖北會子者隆興元年秋總領王珏始級造謂之直 廷難之于是自衛國公降封益川郡公削其食戶二 為使相若降三秩則應落衮鉞為銀青光禄大夫朝 公盖用雄例云 千而巳其後周必大連坐亦自益國公降封滎陽郡

萬絡遂亦造两界馬每界二百七十萬絡總為五百 總為京湖總領會其已出應換之數得五百六十二 四十萬緡 遂收三百萬緣止餘四百萬淳熙五年冬文令戶部 食以闕遂題之十一年始通行于京西路紹熙初梁 率以會子市茶引而東今會子通行則茶引不售軍 印給三百萬緣而總領周嗣武言自來鹽商無回貨 不可通行手諸路乞令户部印五十萬緡兌換其後 以上二條亦不得其歲月姑附元年之

欠こうことう

两朝綱目備要

_	<del>.</del>			<u>:</u>					
,			[ ]					末	٢
								禾	1
									1
									1
		1							=
į.									
Ĭ									
ļ									表
ı									卷一
l									
ŀ		İ							
ľ									
١									
								Ì	
ı									
١						ı			
I.		;	'				!	L	١.

欠至日車主書 四 紹熙二年奏春正月記修紹熙會計録 欽定四庫全書 費不足當問門醫職近侍之半請明詔大臣裁定 多於太廟額外將校之俸錢半於正額外庭百執之 言今黄老之宫衛卒動以百數外戚家廟防護之 两朝綱目備要卷二 辛未丁丑 兩次降吉 光宗 雨朝網日備要 先是松書郎鄭湜輔對為

詔務考裁節浮費 費上自乗與下至庻府除奉宗朝事兩宮給兵費之 亦未聞有所減也 執法何澹等與彦逾同為之未幾澹丁內艱去官後 意為之斟酌以其所減捐以予民遂命户書葉劃中 概之後命户部军属同共詳議而一二大臣公心協 部侍郎因請務考內外財賦置紹熙會計録俟見大 切量事裁酌罷其不急損其太過趙彦逾為己

アノハラ・ファラー **澹同稽考其後亦不果裁節馬** 制惟正之供濫恩横例皆釐正之詔葉翥趙彦逾何 名而已是年春議者以為濫子横賜無以搏節請自 盤自為會計郎官不得預果事則卷續尾示之伴書 今內諸司所給賜所營造所取索悉從有司定為中 以百萬計版曹但照數除破耳雖有歲終比部驅磨 之令然郎官第赴內東門司終日危坐而數瑞與數 合同憑由司者宫禁所由取索也歲取金銀錢帛率 两朝綱目備要

多ケロたノント 夏四月初命任子儀武 武大臣進呈上曰為武以革代筆之與正當加嚴豈 衛又奏乞中選人就吏部長貳廳前薦試試中然後 由時為考功郎官建言今已增試律義自不須更篇 許参選至是吏部條具如所奏內同進士出身并思 炎兵火後權停紹興三年始復舊去年八月司業計 銓試者舊有之凡任子若同進士出身之人皆赴建 科人便不為武仍下四川制置司一體施行從之黃 

少至日華主書 復置詳定勅令局 五月屏太學生余古 定動令局差詳定官一員刪修官三員然未有所進 也慶元四年後次第修進 工部侍郎潘景珪言法令一書久不刪潤乃復置詳 釋如或不通未得参注從之 注殘零闕人乞令郎官就長貳廳寫律一條俾之解 可廢也明年八月謝深甫又言銓武不中四十以上, 一两朝網目備要

宴遊無度聲樂不絕畫之不足繼之以夜宮女進獻 當思付託之重朝夕勉維求治之道為急間者側聞 薛許遷將作軍器監併其官罷之謝鍔為御史中丞 淳熙末復置補闕拾遺以薛叔似許及之充上即位 言其不可旋亦罷自是近臣军進言者至是古上書 超遷內中宫殿已歷三朝何陋之有奚用更建樓臺 日恭惟皇帝陛下春秋縣盛自即位以来星見再 周 不時伶人出入無節宦官侵奪權政随加寵賜或至

んくご

ころうないかい 接於雲漢月榭風亭不報與作深為陛下不取也甚 而至殿步即各為萬價不問勞績過犯驍勇怯弱但 上而三省下而百司皆在此曹號令之下盖自副將 亡謂也詩云靡不有初鮮克有終况不能謹厥初哉 者奏雜戲樂習齊郎舞乃使幸臣嬖妄雜以優人聚 如價納賄則特古專除故將師率皆貪刻軍士無不 自古宦官敗國備載方冊臣觀官者之盛其如方今 之數十節以怪巾拖之異服偹極醜惡以致戲笑至 两朝綱目倘要

內不盗賊民生不逐炭日月不食水旱不作可得平 臣不望陛下如舜之茅茨禹之非惡但願陛下無池 計將安出此為害之大者良由公卿持禄保位偹員 餓寒兵器朽鈍士馬廳齊未當過而問馬沒有緩急 其酒而林其肉王其臺而瓊其室無聽亡國之音無 全身如漢之石慶唐之蘓味道滿朝皆小人也求海 即己昭示詔古嚴下約束除太常樂工立定員數几 視傾城之色陛下誠能以漢文帝為法唐莊宗為成

ころうことう 樂固萬徹無涯之壽豈不休哉帝覧書震怒始議持 南面或鼓琴投壺習射以頤養神性享名教不窮之 涉藥備灑掃之外有以文武官姓名賢否聞者坐以 重罪有直以差遣遷除奏聞者戮於市朝必罰無赦 传体悉去忠良並進陛下求不垂拱以鳥揖義黄亦 開以時酒進以數宦官不得干預朝古惟侍膳羞奉 俳優紙戲皆放而為民美女魔人自今日而無獻宴 不可得也問安侍膳之餘宮庭熊間講讀經史無為 兩朝網目備要

金ノロアノニモ 是夏右丞相留正復請建儲督本侍正改元即進左 六院官復入雜壓 少緩 占編管言者救之乃送秀州聽讀古錢塘人云 官告院主管官二員都追奏院監官二員例以京官 院幹辨官各一員諸軍諸司審計司幹辨官各二員 上日俟過官與壽皇議之既而諭正壽皇聖意亦欲 六院官者登聞檢鼓院監官各一員諸司諸軍糧料

ステラントこう 来六院彌重號為察官之儲矣淳熙初龔沒良東政 皆得轉對但不入品耳 其内弟林宓幹辦審計司遇郊恩而林尚京秩茂良 母茂良後為謝廓然所攻此其一事也至是始復 乃白上以六院官班寺監丞之上林用是得封贈父 雜壓其班在五寺主簿之下太學博士之上六院官 外即故恩數略視職事官而不入雜壓然自紹與己 知縣有政績者為之亦有自郡守除者則繼即除員 兩朝綱目備要

是秋中丞何落以憂罷 金少にたっこ 秋九月寬四川改官法 趙 洛有所生繼母之喪請鮮 制 改官一面注擬從之後三年議者以為不然乃復 朝廷難之然自後或非時軍恩或制司奏請則必遞 制即京鐘以京官知縣關人為詞奏乞增放散員數 一年開禧三年吳雅為宣諭使又請侍班人不 官持服既又上疏言不逮

次定四軍全書 四 去就亦自有義存馬此閣下之所素講豈一介小生 均而更長臺諫此三綱五常之所繫者也若夫進退 得以進說於其間今聞問下有所生繼母之喪初請 則三年終喪而所生父母則心喪三年問下自長成 事請下臺諫給舍議之太學生喬語朱九成黃會卿 於朝欲解官持喪太學諸生其不義之繼聞上疏稱 其服雖異而鐘於天性者未當不同也故所承父母 移書責落曰竊謂人之大倫莫重於父母禮有出繼 两朝網目備要

事欲不持喪恐與禮經相反何者禮經謂逮事父母 言所當諱其祖是以子莫知其所諱也故本朝方慈 父母之言所皆諱其祖不逮事父母則不聞父母之 諱王父母非謂無恩於先祖也盖逮事父母則親聞 禮經所謂逮事父母則諱王父母不逮事父母則不 解逮事不逮事之異中外 関紙雖愚者亦以為駭夫 解此一節以謂特度人之禮耳若學士大夫則知尊 祖矣何逮事之拘乎今聞問下引此以附逮事不逮

TOUR CALLS 為不正是問卷小人知有母而不知有父者也非天 必謂所生繼母無生我之思則不當為所生之繼 母 若所生之父果以繼室為正則問下亦當從而為正 服抑不思默其所生之繼母是賤其所生之父也為 也反以為生不逮事而不持心喪可乎夫閣下之志 不得熙之也今四十餘年以所生繼母事之及其終 則從父母之言今間下所生之父果以繼室為正乎 人子者尚忍言哉不然必以生我者為正而繼之者 兩朝網目備要

出也今不從儀禮所由出之地以定禮文不公諸侍 為咫尺或者將通迎希合以為禮之不當去欲為它 從朝列以集議獨以臺諫同列之官給舍表裏之班 理之公也非人倫之正也問下為天子耳目之官將 以厚人倫正風俗正宜致辨於此又聞再入奏疏欲 日進身之階則誤閣下之事大矣閣下平時所行所 而議之識者有以窺之矣且閣下今居要路去政府 下給含量諫議之夫朝廷專該奉常此儀禮之所由

食プロレノニモ

シュンロル 「たいか 命六和塔得書遂去官四年冬以終喪召未至除煩 召還以副所望此豈非闇下之盛德事乎時澹方待 位於朝以歸而他日朝宁之間徐以國家為念起復 念特為所生繼母持喪以義起禮扶持三網慨然 辭 也又忍或者必有泪亂聰明妄引邪說使問下進疑 為亦無玷者獨為大節有所未明此尤愚之所未 信 下一聽之也雖然使閣下流涕感泣以所生之父為 不决以取誇於天下此愚所以倦倦忘其僣越欲問 两月月日前要

金グロノノニー 議朝重華宫不克行 不豫 風雨大至上震懼始感疾云 以疾未盡去故也 御史中丞明年春遂執政矣 軍閣直學士知明州廣元初趙汝愚既免相復召為 月壬申冬至郊 子春正月御内朝

ン・アーミ 三月定雜藝不許任子法 吉諸生汪安仁程肖説林略鄭大年許諤陸景仁鄭 輔百官至於韋布之士以過宮為請者甚象往往叩 額引裙號泣而諫近臣黃裳尤表羅點陳傅良孫逢 都人始憂 萬其首也聖情開悟屢有翻然夙駕之意既而不果 誕辰即序屢以壽皇傳古而免其後上神思浸清室 上防御内朝而疾未盡去於是重華温凊之禮與去 兩月網目衛要

夏四月補童子吳綱官案通考 傳曰此等事非遇子直則他人必 且做行遂為獎法 法今後似此雜藝補授之人不許奏補從之 李心 光宗一朝童子求武者十七人無補官者惟從事郎 矣但永年本伶倫而官正使前後遷補乃無論列之 尚書趙汝愚奏永年樂藝出身難以任子望立為定 伶人胡永年者積官至武功大夫遇郊乞任子吏部 人亦未可曉

金灰四月至二百

卷二

是夏皇伯嗣秀王伯圭拜太師 吳綱年九歲能誦六經語孟以壽聖親姪孫特改承 康惠王之五世孫王之第二子普安郡王是為孝宗 秀安僖王者高宗兄行也名子偁太祖皇帝少子秦 務郎仍依初補法 紹興十三年王薨於秀州贈太子太師普安為皇太 子加贈王太師追封秀王隆與元年始詔即園立廟 如濮王例伯圭其長子也初以門陸官歷任淳熙廉

つていては、ないから

兩朝納目備要

食り口たノニュ 生拜太師者五人真宗朝楚王元佐仁宗朝燕王元 壽禮成拜安德軍節度使九年遷少保封荣陽郡王 熙元年遷太保封嗣秀王至是乃拜太師本朝親王 儼哲宗朝吳王顥欽宗朝燕王俱越王偲皆以父兄 十五年遷少傅十六年上受禪遷少師始稱皇伯紹 王謚憲靖 行乃得之伯圭以宗室特拜太師盖王於上為親伯 父用優禮也寧宗朝除兩鎮節度使慶元中薨封崇

マス・ス・ノニテー 復修蜀鹽舊法 做蔡京東南東北鈔鹽條約置合同場以議其出 斤選食貨志作千餘萬斤 引法初行每百斤為一 凡四川二十州四千九百餘井歲産鹽約六十餘萬 自祖宗以来皆民間自煑之歳輸課利錢銀絹總為 又許増十斤勿算以優之始趙開之立桩法也令商 十萬紹紹與二年秋趙開總計始愛鹽法盡惟之 人錢請引井户但如額黃鹽赴官輸土産稅而已 兩朝網目備要

絕沒之井許增其額以承認小民利於得井每界派 然鹽脉盈縮不常久之井户月額不敷則官但以虚 書奏言趙開鹽法最為精密令井户多鑿私井務以 增鹽課既益多遂不可售而引息土産之輸無所從 因增其斤重以予之每擔有增百六十斤者又逃廢 鈔付之而收其箕引法由是壞井戶既為商人所約 出由是勿縊相尋公私交病是夏趙汝愚為吏部尚 斤重多寡相髙故鹽日多價日賤而其法大壤乞下

金グロんノニモ

ていずってしこう 増 若隆荣等十七州皆卓笥小輔殘閉廢井又云蜀鹽如仙計去 虛額閉廢井申嚴合同計五 塵到山東 鹽及閉卓筒井 印兩准會子 由是頓昂嘉泰二年陳晦總計又盡除官井所增 總領所参照舊法施行從之 額馬自慶元後州縣及井户稍舒而民始食貴鹽矣 合同場舊法禁斤重之 **聚其虛額棧閉助筒二千** 州皆卓 两阴洞目備要 )瑜格者而重私販之罰鹽直 井井場 而蒲舊 場 輔總計因是遺官 助 字 似井也中 通楊 考輔宗都

申民事下两省臺諫議議者尤夜等以為可遂施行 汝愚為吏部尚書與從官陳縣羅點謝深甫合奏乞 在會子收允至是議者以准上鐵錢多欲革其獎趙 謂之交子不得過江南八年秋以交子易壞始出行 兩准會子者乾道二年夏初令户部印給三百萬稱 之其會子仍分一貫五百二百者凡三等許流轉至 七十淮東三分淮西一分依湖北例三年一兌更不 印造兩准會子三百萬貫付兩路每貫准鐵錢七百

金少四月八十三百

秋七月瀘州軍亂 興辛已二月以後至紹熙壬子八月以前行在湖北 中之數矣 司棒管而沿江八州軍合發上供一半會子則許用 兩淮創行交會總為四千九百六十餘萬緡已敵蜀 交子通融起發於江淮東西總領所樁管馬盖自紹 两淮上供及户部錢物並權發見錢三年令淮南漕 江池太常州建康鎮江府與國江陰軍界內行用應

ころのうことに

兩月網目衛要

十四十

練無日又多役使之麇賜或有不時給者是月壬午 騎射卒張信等作亂晨入即府殺孝芳及其家又殺 給例物軍士浸騙紹熙張孝芳代為即欲矯其獎訓 節度推官杜美駐泊兵馬監押安彦斌訓練官雷世 居舍人王卿月知瀘州賜予甚厚每出近郊諸兵皆 其地號東土軍又有騎射營則州禁兵也淳熙末起 瀘州饒雄等八指揮本都禁兵也宣和末朝廷遣戍 明世忠必有一惧軍校張明是日信擺甲坐閱武堂明案世明後又作軍校張明是日信擺甲坐閱武堂

**火定四軍全書** 坐會者皆駭散進大呼曰不叛者從我諸軍唯唯從 十二人為隊將皆有爵秩叔豹又為黃旗大書其上 芳罪狀於是信自稱第一将衣金数出諭城中以術 即越場大餐諸軍怕等皆與酒初行昌進擊殺信於 **别與軍士下進陰謀討之癸未夜家以告恂甲申信** 日不叛聖主不殺良民時張明之子昌勇藝為諸軍 召通判州事張恂安撫可属官郭仲溥使作奏言孝 人黄权豹為計議官分其兵為五十二隊同謀者五! 兩朝綱目備要 十五

武舉入官已而鎖聽及進士第續距瀘州未十里留 信已誅乃遣鈴轄司属官陳續往瀘州措置續故以 於江制置使京鐘開變議調西兵千人討之未行而 齊與當攝即事至果州疑不進及逆徒盡死齊與始 不行既則械逆黨孫成凌遲於午門之外黃叔豹等 門之右割孫成心腑以祭之而已先是提點刑獄王 三十三人皆就戮聚其首以為京觀設孝芳位於午 ~因執殺造逆者二十餘人餘黨皆捕獲沉其妻子

直學士邱宏奏言孝芳被禍至此雖亦有以自取若 平鐘奏孝芳死狀且上恂等功未報鐘赴召與章閣 宜區處潼川發州兩路監即司趙肇張激母邱恪王 来盡屏瀘人悉以潼川兵自衛事聞有古制置可随 子若孫一人足彰思関又得名正體順部贈孝芳官 齊與劉光祖上連下接密作關防母致走透時事已 不稍加贈恤則於事體有關欲望量賜贈官或官其 三等録子孫二人令總領所制置司應辦葬事宝又

ンへ)の、ことにな

**两朝河目消要** 

さい

金少にたくこで 尉其年十一月也即金州起前殿前副都指揮使郭 黨不誅時齊與已徒江東提刑有古與怕等皆能伊 與監押差遣追補保義郎同謀者二十二人皆校副 溥仍降三資美贈二官與一子文學彦斌贈三官世 約仲溥不能知且與恂為叛黨所有作奏又縱其餘 言軍士當訴於提刑司王齊與謾不省及攝即畏避 忠贈一官各官其一子張明贈承信郎昌補東義郎 不行張怕及郭仲溥兵未亂前月餘已歃血神祠結

久三百事在一百 月 治擅興罪 州而卒 棣知州事棣至瀘與制置司論不合乞祠去明年夏 泉軍召齊與為倉部員外郎仲溥後亦改京官知綿 司於瀘以鎮之既而皆不行命實文閣侍制吳總知 學士章森代為即又下鐘奏命制置監司議移提刑 州事慶元初鐘為右相乃奏恂調護功除秘閣知石 詔棣與外祠命未至州六月會病卒乃命寶文閣直 兩朝網月備要

張信之亂京鐘即蜀調瀘川所也御前後軍數百往 與違戾至此豈不大失本意乞下我可具析仍青令 遵守舊制三屯頗嚴憚馬宏所謂独於陵夷盖專指 制司朝廷事計當然今軍即祖於陵夷及謂制司擅 騤胡然進呈得古今制司具析命下而鐘已去邱宏 討之與元都統制吳挺劾制司擅發兵密院葛邲陳 人蜀即奏以為三屯遠在西北兵權即制必寄之宣

是嚴蠲减蜀中重額錢 四川經總制錢額理五百四十餘萬稱其一百三十

對减鹽酒重額錢即此錢也然四路憲司歲歲發湖 百六十九絡上供六萬餘絡諸郡支用上初受禪因 少監劉光祖之請損湖廣三年錢四百六萬八千稱 萬稱縣軍一百三十四萬絡應副湖廣總領所一

廣錢實止六十萬絡而已又以買物價計之折閱中

半僅為三十萬絡楊輔時總蜀計又搏節三十萬

べん)コー・人」とは

兩朝納目備要

大

紹 金少旦屋人工 熙四年兴春正月更胜差将校法 屯軍處守臣審敦保明中客院紹思指揮勿行按此 慶元三年二月詔今陞差並委主即選擇今總領或 詔江上諸軍性差統制至准備將者令主即解發, 愿一千二百六十餘萬稱上之施博矣 以益之自紹熙癸丑以後對减九十萬繙之數遂以 為常說開禧丙寅几十有四年蜀人霑减放之思無 赴總領所選擇一名事既行諸將皆不以為便

欠了可事二丁 三月趙汝愚同知樞客院事 道初汝愚以廷策别天下巴而趙彦中復舉博學宏 從而止然是時宗室侍從亦未有卓然可稱者速乾 以處之祖宗不用宗室為宰相其應甚遠可用至侍 政進擬又諭秦檜曰宗室賢者如寺監秘書省皆可 有賢才不過侍從而止乃所以安全之也久之因執 紹興中島宗嘗諭趙鼎曰唐用宗室為宰相本朝雖 次殊未明晰書中似此甚多今一切站仍其舊云慶元三年事盖因隆差法終言之原本直標年月編 兩朝細目備要

金グにた 宗室以為宰執疏留中不出汝愚家居力辭疏至十 詞中選一 城由此補郡汝愚猶不拜上謀於壽皇遂命宰執召 爱民至誠懇懇出於天性所謂青天白日奴隸亦知 上上為從義端軍器監給事中黃補案黃糊汝愚傳 用汝愚既此命矣察院汪義端有言高宗聖訓不用 當為給事中也言汝思事親孝事君忠居官 無憂國戴此語黃黼木 其清明者義端識見奴隷之不如不可以傳朝列義 ,時皇族尤號得人至是樞府有闕壽皇欲

定策功拜集賢相汝愚援高宗聖訓力丐免上許馬 等入謝相繼宣引後二十餘日汝愚始入謝壽皇曰 時大臣恭謝者多不得對壽皇欲見汝愚乃因葛郊 奏議甚善朕嘗觀此書可與資治通鑑並行瑜年以 卿以宗室之賢為執政乃國家盛事卿在蜀時所進 謀故答語有云若乃紹與之故實蓋有為而言况我 當筆學士申論聖意謂高宗聖訓本以折秦檜之發 壽皇之時俗欲播告於聚盖為是也汝愚乃受命是

える する しこ

两川周丁省要

未幾留正奉祠汝愚卒為相才數月而為正言李沐 御礼賜詞臣樓鑰有度越拘牽不勝者卓之語及汝 烏府彈文副墨行於蠻貊盖謂此也汝愚之再相也 蜀象因以定策之功歸之然但累遷資政殿學士奉 盖申前日之論而伴来者不敢復拜馬時趙彦逾守 愚貶永義端適當制首引劉屈建李林甫事以為言 所擊去位復召義端為中書舍人吳宗旦為詞有曰 祠而已不復除執政矣 汝愚之未召也楊王休為

金人四人生

卷二

いつり事から 定薦舉政官法 成都路提刑時張縯守漢州甚失士民之譽王休按 當格不行慶元初王休入朝自訴有告給還王休後 憤明年明堂王休應任子汝愚已得政謂其按發不 治之汝愚素與無厚格其章不下王休言不已乃除 累遷禮部侍即 狀報之縯答以未受堂帖為詞卒不去王休不勝其 **鎮直秘閣奉祠鎮閩命久不去王休怒坐邸吏印書** 两朝納目備要 主

皆以三考為一任舉其成數而言今於三考之外未 趙汝愚之即蜀也當建言舊法聽三考薦舉改官者 龍奇零日内軟敢依傍干請已非法意今又該遇重 恩盡行補轉若一併許於二考之外聽舉改官編恐 廣恥自將者欲脫選調愈不可得欲望將選人一 例 暖之路不報上即位汝愚入政府乃舉行之又詔未 干進之徒與夫勢要皆預得為他日計而孤寒安分 許與第二任方得薦舉改官底幾仕進公平不妨寒

Zalow Like 夏五月左丞相留正以論姜特立侍罪 成考人不以罪去者於後任輳成三考聽舉改官初 淳熙中趙汝愚為閩即特立為福建路兵馬副都監 海賊犯閩中特立以一舟先進遂獲之孝宗以為才 特立魔水人以父死事得官頗能詩士大夫或稱之 召為問門舍人未幾同春坊事紹熙初留正為右相 任未成考者勿聽著為令 上在儲邸武臣姜特立主春坊及即位除知閤門事 兩朝網目備要 主

多り口屋ノニー 為之不明者累月若積其實德每事如此何求而不 論其招權納賄之狀詔與外祠時周與廷策有云陛 得者謂特立也至是除特立浙東馬步軍副總管又 召赴闕賜裝錢二千緡正復上疏言唐憲宗將用李 此書屢經聖覧今特立召用臣合罷相與李絲 相本朝名臣范祖禹作唐鑑言二人不可並立於朝 絳先出吐突承璀為淮南監軍及召承璀還先罷絳 下近逐一讒諂招權納賄之小人而天文卷舌之星

次定四庫全書 待罪於范村之佛寺奏乞歸田里不許又請住給廪 輔初政乞保終始詞指甚哀不報正累不得命乃復 養及出身以来告動且上奏自教當陪侍儲邸及刺 和塔上亦不復宣召也久之正復繳還上前後所賜 上批成命已行朕無反汗卵宜自處時正已待罪六 巴巴正又言臣與特立理難並立於朝乞早賜處分 而去特與購行汝愚在樞筦亦以為言上不許六月 不報給事中謝深甫復刻之上批朕関其舊臣無辜 两朝網目備要 主

還范村侍罪始正之出國門也諫官章類以割子留 請就絕村韶從其請九月丁卯百官上壽紫宸殿部 時上以疾不過重華宮已數月從官數以為言十 以右相萬必為班首而正自立少保班上壽班退復 禄韶權行住支頃之百官改建重明節於明慶寺正 城外辛已正始入朝復赴都堂視事是行也正侍罪 月上既朝重華宫與辰特遣右司郎官徐誼召正於 之陳傳良為起居郎請直前奏事上諭陽門止勿進

欠足の事を言 親試舉 聽新進士致仕 李僑年五十四調成都府司户参軍自以禄不及養 賜陳亮以下三百九十六人及第出身有差 祠嘉泰元年春拜寧遠軍即度使時年七十七矣特 召寧宗登極遷和州防禦使慶元元年冬復引疾奉 立有詩數千篇楊廷秀序之號梅山集 凡百四十餘日云命特立仍為浙東總管於是竟不 两朝綱目備要

是秋録先聖後 金ダモノニ 久之坐妄用庫金貶秩遂不復用馬紹熙初搢累遷 紹興中行聖公孔玠避難渡江髙宗以林廟隔絕 行理公孔子後也歷代皆有封元祐中加賜田百畞 母皆予初品官封盖其數也 乞以一官田贈父母上嘉其志特詔以本官致仕 **唇為右承務郎襲爵奉祠事淳熙中入侍推建昌守** 年夏以衢州田五頃賜之二十四年玠卒復以其子

左丞相留正復視事按據前留正侍罪目內此事在 本誤脱 十二月甲午朔詔測驗天文 くれ ゴラーム・ラ 至朝散大夫未幾卒至是詔以子文遠為承奉郎封 午而會元歷乃在二十日癸未係差一日蓋陳得 布衣人王孝禮言今年冬至日景表當在十九日子 衍聖公今其族人間有登進士第者 月戊寅上朝重華宫 两朝網目箭要 Ī

我プロレイニョモ 以朱熹為湖南安撫知潭州 是冬更獨員薦士法 是冬使人自金田金人問朱先生安在答以見已握 之時朝廷多事未暇治歷也 劉孝榮所造四歷皆未當測影止是寫擬分數所以 於是以辭遠就近不為無鱗力辭踰年乃拜命 用田白廟堂遂有是除先是朝廷除熹的廣西不就 後天乞將修內司所掌銅表圭降付太史局測驗從

くれることが 絽 乃詔帥守監司自今母得獨員薦士 難從其間縱有賢才不免與僥倖者併在 者謂今被薦者猥衆朝廷疑其私而不信病其衆 熙初命即守監司薦所部人 两朝納目備要 人才既而濫薦者多言 而

兩朝綱目備要卷二					金人正屋人工五
安卷二				!	
,					卷二
-					
		 	 		L